

Cofnodion a gadarnhawyd

Teitl y Cyfarfod:	Cyfarfod Bwrdd CNC – Sesiwn Gyhoeddus Microsoft Teams
Dyddiad y Cyfarfod:	16 Tachwedd 2022
Aelodau'r Bwrdd a oedd yn bresennol:	Syr David Henshaw, Cadeirydd Clare Pillman, Prif Weithredwr Yr Athro Steve Ormerod, Dirprwy Gadeirydd Karen Balmer Julia Cherrett Geraint Davies Zoë Henderson Yr Athro Calvin Jones Dr Rosie Plummer Yr Athro Peter Rigby
Aelodau o'r Tîm Gweithredol a oedd yn bresennol:	Rachael Cunningham, Cyfarwyddwr Gweithredol Cyllid a Gwasanaethau Corfforaethol Ceri Davies, Cyfarwyddwr Gweithredol Tystiolaeth, Polisi a Thrwyddedu Prys Davies, Cyfarwyddwr Gweithredol Strategaeth a Datblygu Corfforaethol Sarah Jennings, Cyfarwyddwr Gweithredol Cyfathrebu, Cwsmeriaid a Masnachol Gareth O'Shea, Cyfarwyddwr Gweithredol Gweithrediadau
Unigolion ychwanegol a oedd yn bresennol:	Rob Bell, Pennaeth Cyllid, Eitem 6 Caroline Hawkins, Rheolwr Cynllunio Corfforaethol, Perfformiad ac Asesu Strategol, Eitem 7 Sarah Williams, Pennaeth y Strategaeth Gorfforaethol a'r Swyddfa Rheoli Rhaglenni, Eitem 7 Charlotte Morgan, Rheolwr Llesiant, Iechyd a Diogelwch, Eitem 8
Arsylwyr CNC:	Kate Evans, Materion Cyhoeddus ac Ysgrifennydd Preifat Sarah Williams, Pennaeth y Strategaeth Gorfforaethol a'r Swyddfa Rheoli Rhaglenni
Arsylwyr Cyhoeddus:	Neb
Datganiadau:	<ul style="list-style-type: none">Dr Rosie Plummer – Aelod o Awdurdod Parc Cenedlaethol Arfordir Penfro – rhyngweithiadau eang iawn yn cynnwys: cylch gwaith cynllunio – goblygiadau ardaloedd daearol a morol ac ACA a pharthau llifogydd; safleoedd gwarchoddedig – tir a môr – o fewn dynodiad tirwedd cyffredinol; derbyn grantiau CNC. Ymddiriedolwr Plantlife – mae Plantlife yn gydwethredwr ar brosiect Natur am Byth, ac yn derbyn grant.

-
- Yr Athro Steve Ormerod – Aelod o'r Ymddirdiedolaeth Genedlaethol; mae ei wraig yn aelod o Banel Cyngori Amgylcheddol Annibynnol Dŵr Cymru; mae ei wraig yn Gyfarwyddwr Sefydliad Ymchwil Dŵr Prifysgol Caerdydd sy'n rheoli partneriaeth strategol gyda Dŵr Cymru.
 - Yr Athro Calvin Jones – Aelod o Bwyllgor Llywio Skyline
 - Karen Balmer – Prif Swyddog Gweithredol Groundwork y Gogledd – derbyn grant gan CNC; partner gyda dau arall sy'n derbyn grant
-

Ymddiheuriadau: Mark McKenna
Colette Fletcher, Pennaeth Llywodraethu ac Ysgrifennydd y Bwrdd

Ysgrifenyddiaeth: Jocelyn Benger
Natalie Williams
Sian Johnston

Eitem 1: Cyfarfod Agored

1. Agorodd y Cadeirydd y cyfarfod a chrosawu pawb. Cyflwynwyd datganiadau o fuddiant ac ymddiheuriadau fel y nodir uchod.

Eitem 2: Adolygu'r Cofnodion a'r Log Gweithredu

2A. Adolygu Cofnodion y Cyfarfod Cyhoeddus a gynhaliwyd ar 22 Medi

2. Adolygwyd y cofnodion o gyfarfod cyhoeddus 22 Medi a chytunwyd arnynt.
3. Croesawodd Zoe Henderson gyhoeddi cofnodion y cyfarfod blaenorol ond tynnodd sylw at y ffaith nad oedd diwygiad wedi'i weithredu a bod angen cywiro hyn.

GWEITHREDU: Yr Ysgrifenyddiaeth i adolygu'r cofnodion ar gyfer y diwygiad a awgrymwyd gan Zoe Henderson.

2B. Adolygu'r Log Gweithredu Cyhoeddus

4. Adolygwyd a nodwyd y log gweithredu.

Eitem 3: Diweddariad gan y Cadeirydd

5. Rhoddodd y Cadeirydd ddiweddariad byr ar y trafodaethau a oedd yn cael eu cynnal am amryw o faterion.

Eitem 4: Adroddiad gan y Prif Weithredwr

6. Rhoddodd y Prif Weithredwr ddiweddariad ar yr adroddiad ysgrifenedig.
7. Roedd Cynhadledd Partion y Cenhedloedd Unedig 27 (COP27) yn cael ei chynnal yn yr Aiff. Byddai COP15 yn cael ei chynnal ym Montreal ddechrau mis Rhagfyr gyda'r Gweinidog, Julie James, yn mynychu. Bydd pawb yn edrych am ymrwymïadau i wella bioamrywiaeth tebyg i'r hyn a gafwyd i fyd natur gan gytundeb Paris. Roedd CNC wedi bod yn gweithio gyda'r Cyd-bwyllgor Cadwraeth Natur a chyrrff cadwraeth natur eraill ar gynhyrchu datganiad ar y cyd i'w gyhoeddi mewn digwyddiad yn y Gymdeithas Frenhinol yr wythnos nesaf. Yng Nghymru, roedd y cyfle o'r diddordeb yn y COPs yn cael ei ddefnyddio i sicrhau bod pobl yn cymryd sylw o'r negeseuon. Byddai CNC yn weithredol

ac yn brysur ar draws amrywiaeth o feysydd yn ystod Wythnos Hinsawdd Cymru yr wythnos nesaf.

8. Byddai'r Canghellor yn gwneud ei ddatganiad hydref yfory ac roedd disgwyl iddo godi trethi a thorri ar wariant cyhoeddus. Roedd CNC yn cadw mewn cysylltiad agos â Llywodraeth Cymru.
9. Nodwyd yr argyfwng costau byw parhaus a'r dystiolaeth o'i effaith ar staff. Byddai CNC yn parhau i edrych ar y ffordd orau o gefnogi staff wrth symud ymlaen.
10. Ysgrifennwyd at ymgeiswyr llwyddiannus ac aflwyddiannus Grant Cymunedau Cryf CNC ar ddechrau mis Tachwedd. Grant o £2 miliwn oedd hwn i'w wario eleni a'r flwyddyn nesaf. Caeodd y ceisiadau ar 19 Medi a derbyniwyd dros 200 o geisiadau, a oedd yn werth £20 miliwn, gyda 21 ohonynt yn llwyddiannus. Dyma'r cynllun grant cystadleuol mawr cyntaf ers cryn amser i CNC ac roedd ansawdd y ceisiadau'n uchel iawn. Byddai trafodaethau'n cael eu cynnal â Llywodraeth Cymru yng nghyd-destun trafodaethau cyllideb ehangach ar yr awydd i wneud mwy yn y maes hwn.
11. Rhoddodd Cyfarwyddwr Gweithredol Tystiolaeth, Polisi a Thrwyddedu ddiweddariad ar yr Archwiliad Dwfn o Fioamrywiaeth. Roedd y tîm yn CNC yn gweithio'n galed i ddatblygu'r Cynllun Gweithredu a oedd yn bodoli o dan argymhellion yr Archwiliad Dwfn. Roedd y Gweinidog i fod i wneud datganiad yn y Flwyddyn Newydd a'r gobaith yw y byddai'r Cynllun Gweithredu manwl yn cael ei gyhoeddi bryd hynny. Byddai'r Cyfarwyddwr Gweithredol Tystiolaeth, Polisi a Thrwyddedu a'r Athro Steve Ormerod (yn cynrychioli Prifysgol Caerdydd) yn mynd i'r afael â rhai o'r camau gweithredu fel rhan o'r Gweithgorau. Byddai aelodaeth y grwpiau'n cael ei adolygu cyn y Cam Gweithredu. Gwelwyd cynnydd eisoes gyda'r gwaith Mawndiroedd, y rhaglen weithredu, cyllid ychwanegol, cyllid Rhwydweithiau Natur a chyllid grant. Roedd CNC yn gweithio ar y cysyniad o fapio Rhwydweithiau Natur ac yn gweithio ar ddarn posibl o waith ar gyfer Llywodraeth Cymru ar wneud hyn ar raddfa ofodol. Roedd CNC yn gyrru gwaith ymlaen a byddai ymrwymadau'n cael eu cynnwys yn y Cynllun Corfforaethol newydd. Roedd gweithdy wyneb yn wyneb wedi'i drefnu gyda Llywodraeth Cymru yr wythnos nesaf i fwrw ymlaen ar y Cynllunio Gweithredu manwl.
12. Nododd aelodau'r Bwrdd gynnwys y diweddariad a thynnu sylw at y pwysigrwydd o barhau'n ymwybodol o'r gymhareb ymdrech i'r rhai nad oedd wedi llwyddo gyda'u Ceisiadau am Grant Cymunedau Cryf. Cydnabuwyd y gwaith a wnaed gan lawer iawn o bobl a byddai'n bwysig cydbwysu hyn.

Eitem 5: Adroddiadau Diweddarau'r Pwyllgorau

13. Fel Cadeirydd Dros Dro y Pwyllgor Archwilio a Sicrhau Risg, diweddarodd Karen Balmer y Bwrdd ar waith a wnaed ers cyfarfod diwethaf y Pwyllgor ar 8 Medi. Roedd cyfarfod trosglwyddo wedi'i gynnal gyda Chadeirydd blaenorol y Pwyllgor, Catherine Brown, a sesiynau dal i fyny wedi'u cynnal gydag aelodau eraill y Pwyllgor. Roedd cyfarfodydd yn y calendr gyda'r tîm.
14. Fel Cadeirydd y Pwyllgor Cynghori ar Dystiolaeth, diweddarodd Peter Rigby y Bwrdd ar drafodaethau a gynhaliwyd yng nghyfarfod y Pwyllgor ar 17 Hydref. Ailedrychwyd ar y Rhaglen Mawndiroedd i weld sut roedd wedi'i chostio. Roedd gwaith yn mynd rhagddo ar y mater hwn a byddai'n dychwelyd i'r Pwyllgor mewn cyfarfod arall. Cafodd y Pwyllgor ddiweddariad ar y dynodiad parc cenedlaethol newydd posibl. Rhoddwyd cyflwyniad ar ddadansoddeg data, a arweiniodd at drafodaeth ddiddorol ac roedd gwaith yn symud

ymlaen yn y maes hwn. Darparwyd cyflwyniad manwl iawn ar y Gyfarwydddeb Fframwaith Dŵr.

15. Dywedodd yr Athro Steve Ormerod fod y Gynhadledd Dystiolaeth ddiweddar wedi bod yn dda iawn gyda chyflwyniadau cydweithredol da a gofynnodd am roi adborth ar hyn i'r tîm. Roedd mwy o gyfarfodydd partneriaeth cydweithio wedi'u cynllunio ar gyfer y flwyddyn nesaf.

GWEITHREDU: Adborth cadarnhaol gan y Bwrdd ar y Gynhadledd Dystiolaeth i'w drosglwyddo i'r tîm.

16. Fel Cadeirydd y Pwyllgor Cyllid, diweddarodd Syr David Henshaw y Bwrdd ar y gwaith a wnaed ers cyfarfod diwethaf y Pwyllgor ar 15 Medi. Bu'n rhaid aildrefnu cyfarfod mis Rhagfyr ac roedd dyddiad newydd wedi'i drefnu ar gyfer 10 Ionawr.
17. Fel Cadeirydd Dros Dro y Pwyllgor Rheoli Perygl o Lifogydd, diweddarodd Julia Cherrett y Bwrdd ar y cyfarfod a gynhaliwyd ar 21 Hydref. Roedd y Pwyllgor wedi cyfarfod wyneb yn wyneb ac wedi bod ar ymweliad safle yn y Bont-faen. Cafwyd cymysgedd dda o eitemau ymarferol, a rhoddwyd diweddariad ar gynnydd y Prosiect Adolygu Llifogydd a'r Rhaglen Gyfalaf. Byddai gweithdy archwiliad dwfn yn cael ei drefnu ar flaenoriaethu prosiectau. Cafwyd trafodaeth dda am Risg Strategol 02. Gofynnwyd am fwy o fanylion am yr ychydig o asedau a oedd yn is na'r cyflwr targed. Cafwyd ymweliad safle defnyddiol â chynllun Cronfa Ddŵr y Bont-faen i edrych ar y mesurau er budd diogelwch.
18. Fel Cadeirydd y Pwyllgor Pobl a Chyflogau, diweddarodd Julia Cherrett y Bwrdd ar y gwaith a wnaed ers cyfarfod diwethaf y Pwyllgor ar 13 Medi.
19. Fel Cadeirydd y Pwyllgor Ardaloedd Gwarchoddedig, rhoddodd Dr Rosie wybodaeth i'r Bwrdd am y cyfarfod a gynhaliwyd ar 6 Hydref. Roedd rhan fawr o'r agenda'n ymwneud â'r dynodiad parc cenedlaethol newydd posibl ac roedd y tîm rheoli rhaglen wedi'i sefydlu erbyn hyn. Cafwyd trafodaeth ddiddorol am yr Ardaloedd Cadwraeth Arbennig a goblygiadau ffosffad. Cynhaliwyd archwiliad dwfn ar Risg Strategol 05. Hysbyswyd y Pwyllgor am llythyrau rhybudd am dorri rheolau a oedd wedi'u rhoi'n fewnol yn ymwneud â safleoedd gwarchoddedig. Roedd cyfarfodydd hysbysiadau safleoedd gwarchoddedig yn y calendr pe bai angen ar gyfer y flwyddyn nesaf. Roedd yr hyfforddiant cyfreithiol ar hyn wedi'i oedi i gynnwys aelodau newydd o'r Bwrdd ac i sicrhau ei fod yn amserol i ddynodiadau safle.
20. Trafododd yr aelodau y llythyrau rhybudd a roddwyd yn fewnol ac a oedd hyn yn cynyddu seilos. Eglurodd y Cyfarwyddwr Gweithredol Gweithrediadau fod gwaith wedi'i integreiddio'n lleol ond bod angen cadw waliau clir rhwng ardaloedd, fel y gall ardal ddaearyddol wahanol ymchwilio i achos o dorri rheolau. Roedd ARAC wedi argymhell rhannu gwybodaeth am dorri rheolau â Phwyllgor perthnasol y Bwrdd.
21. Fel Cadeirydd Fforwm Rheoli Tir Cymru, rhoddodd Zoe Henderson wybodaeth am y cyfarfodydd a gynhaliwyd ar 5 Medi a 17 Hydref. Dywedwyd bod llunio Adroddiad Mesurau Amgen cadarn yn gyflawniad mawr gan y grŵp a bod yna gefnogaeth eang ar gyfer llawer o'r gwelliannau posibl i'r rheoliadau dŵr.
22. Argymhellodd aelodau'r Bwrdd y byddai'n ddefnyddiol gweld diweddariadau gan fforymau eraill yn CNC, fel Pysgodfeydd, Dŵr a Hamdden, i gydgyssylltu'n ehangach ar draws y sefydliad.

GWEITHREDU: Yr Ysgrifenyddiaeth i gynnwys diweddariadau gan fforymau eraill yn eitem agenda Adroddiadau Diweddarau Pwyllgorau'r Bwrdd.

Eitem 6: Adroddiad Cyllid

Cyflwynydd: Rob Bell, Pennaeth Cyllid

23. Rhoddodd y Pennaeth Cyllid drosolwg o'r sefyllfa ariannol ddiweddaraf. Roedd yr incwm ar y trywydd iawn ond gostyngodd yr incwm coed yn yr haf o £40 i £36 miliwn. Roedd y gwariant ar y trywydd iawn ond yn £10 miliwn ymhellach ymlaen ar y cam hwn o gymharu â'r llynedd; 40% o gymharu â 37% y llynedd. Roedd yna bosibilrwydd y byddai yna ychydig o orwariant pe bai camau gweithredu ddim yn cael eu cymryd. Darparwyd diweddariad ar y sefyllfa ar gyfer diwedd y flwyddyn. Roedd disgwyl gostyngiad o £4 miliwn yn yr incwm coed, gyda'r rhagolwg diweddaraf yn £35-£37 miliwn, a byddai angen rheoli hyn. Cafwyd ychydig o gynnydd mewn incwm ynni. Rhoddwyd diweddariad ar y cyflwyniad i Lywodraeth Cymru i gadw'r swm o werthu Forest Holidays. Esboniwyd bod Llywodraeth Cymru'n edrych i ddal y swm o'r £7 miliwn oedd wedi'i gynnwys yn y llythyr cysur yn sgil pwysau cyllidebol. Roedd y gyllideb yn ei lle ar gyfer y dyfarniad cyflog. Roedd gor-raglennu wedi'i bennu ar £4 miliwn, a fyddai'n ddigon mewn blwyddyn arferol ond yn sgil y cyfuniad o bwysau, roedd y Tîm Gweithredol wedi penderfynu peidio â chaniatáu unrhyw ail-flaenoriaethu pellach.
24. Bu aelodau'r Bwrdd yn trafod y diweddariad. Gofynnwyd beth oedd canlyniadau mynd dros y gyllideb. Ac eithrio problemau cyfrifyddu a gadael y Swyddog Cyfrifyddu'n agored i feirniadaeth hallt, esboniwyd, ar lefel ymarferol y byddai swm y gorwariant yn cael ei leihau o gyllideb y flwyddyn nesaf. Trafodwyd y problemau ynghylch ariannu seilos, a oedd yn golygu nad oedd hi'n bosibl symud cyllid o un maes i'r llall. Gofynnwyd am y cynlluniau ar gyfer y flwyddyn nesaf gyda'r gostyngiad parhaus posibl mewn incwm coed. Esboniwyd bod yr holl dimau Stiwardiaeth Tir yn gweithio ar y rhagolwg diwygiedig, a fyddai'n llywio gofynion y flwyddyn nesaf.
25. Rhoddodd y Pennaeth Cyllid drosolwg o'r cynlluniau ar gyfer y flwyddyn nesaf. Y ddwy ffrwd ariannu o dan y pwysau mwyaf oedd incwm coed a Grant Cymorth nad yw'n ymwneud â Llifogydd. Esboniwyd bod cais wedi'i wneud i Lywodraeth Cymru am £17 miliwn i'w ychwanegu at y llinell sylfaen, a oedd wedi'i gynnwys fel cyllid dros dro yn flaenorol. Nodwyd mai dim ond Cytundebau Lefel Gwasanaeth oedd yn debygol o gael eu derbyn ar Reoliadau Amaethyddol a Morol. Rhoddwyd diweddariad ar feysydd eraill hefyd. Gofynnwyd i'r busnes am flaenoriaethau a syniadau rhag ofn y byddai angen gwneud toriadau. Roedd disgwyl i Lywodraeth Cymru roi diweddariad ar y sefyllfa ariannu erbyn canol mis Rhagfyr.
26. Nododd aelodau'r Bwrdd y gwaith oedd yn cael ei wneud ar y cynlluniau ar gyfer y flwyddyn nesaf gan gydnabod y bydd angen gwneud rhai penderfyniadau anodd mae'n debyg. Nodwyd y byddai FC yn gwneud y gwaith mwyaf ar hyn ond argymhellodd y Cadeirydd y dylai'r Bwrdd gael gwybod am y problemau wrth symud ymlaen ac y dylid ystyried y mecanwaith ar gyfer hyn.

GWEITHREDU: Cyfarwyddwr Gweithredol Cyllid a Gwasanaethau Corfforaethol a'r Pennaeth Cyllid i ystyried y ffordd orau o hysbysu'r Bwrdd am benderfyniadau ariannol allweddol yn 2023-24.

Eitem 7: Adroddiad Chwarter 2 Dangosfwrdd Perfformiad y Cynllun Busnes

Cyflwynydd: Clare Pillman, Prif Weithredwr

Yn bresennol: Caroline Hawkins, Rheolwr Cynllunio Corfforaethol, Perfformiad ac Asesu Strategol, Sarah Williams, Pennaeth y Strategaeth Gorfforaethol a'r Swyddfa Rheoli Rhaglenni

27. Cyflwynodd y Prif Weithredwr Adroddiad Chwarter 2 Dangosfwrdd Perfformiad y Cynllun Busnes hyd at ddiwedd mis Mehefin. Yn Chwarter 1, roedd un mesur wedi'i nodi yn 'amherthnasol' gan ei fod yn ymwneud â chefnogi Llywodraeth Cymru gyda'r Bil Amaethyddiaeth. Roedd y gwaith wedi dechrau erbyn hyn a'r statws Coch Ambr Gwyrdd wedi'i raddio'n Wyrdd.
28. Roedd yna ddau fesur Coch yn Ch2. Roedd un wedi bod yn Goch yn Ch1 ac roedd y mesur Coch ychwanegol yn ymwneud â champau gweithredu wedi'u targedu ar gyfer rhywogaethau sy'n dirywio ac ar fin diflannu. Roedd yna thema gref gydol yr Adroddiad am anawsterau recriwtio gweithwyr, a oedd yn cael ei brofi ar draws sefydliadau, yn enwedig mewn meysydd arbenigol. Roedd llawer iawn o waith yn cael ei wneud i wella hyn, fel mesurau i ddenu mwy o staff, hyfforddiant gan CNC, recriwtio ar gyfer potensial, prentisiaethau a chynlluniau hyfforddi. Cydnabuwyd ei bod hi'n debygol y byddai hyn yn her am beth amser.
29. Roedd trafodaethau'n parhau â Llywodraeth Cymru ar gyllid CLG yn ymwneud â'r argymhellion o'r Archwiliad Dwfn i Ynni Adnewyddadwy. Roeddem yn disgwyl am ddyddiad cyfarfod newydd gyda'r Prif Weinidog.
30. Rhoddwyd diweddariad ar waith Adfywio. Roedd negeseuon yn cael eu hanfon at staff am yr ymgynghoriad ar newidiadau arfaethedig i swyddfeydd Caerdydd. Rhoddodd y Cyfarwyddwr Gweithredol Cyllid a Gwasanaethau Corfforaethol drosolwg o'r cynigion a fyddai'n cynnwys cau'r swyddfeydd yn Nhŷ Cambria a Llaneirwg a symud i un safle a rennir yng Nghaerdydd.
31. Trafododd aelodau'r Bwrdd y cynigion ar gyfer swyddfa Caerdydd ac ystyried y goblygiadau i'r staff. Gofynnwyd am yr amserlen a dadansoddiad o gost a budd. Esboniodd Cyfarwyddwr Gweithredol Cyllid a Gwasanaethau Corfforaethol y manteision ariannol a charbon a'r manteision llesiant posibl. Byddai Achos Busnes y cynigion yn cael ei rannu â'r Bwrdd.

GWEITHREDU: Yr Achos Busnes ar gyfer swyddfa Caerdydd i'w ddsbarthu i'r Bwrdd.

32. Trafod y problemau recriwtio ac ystyried profiad gweithwyr newydd. Dywedwyd ei bod hi'n bwysig sicrhau profiad cadarnhaol i weithwyr newydd ac y gellid gwneud gwaith i sicrhau hyn. Nodwyd bod yna problemau o ran cadw gweithwyr yn ogystal â recriwtio.

CYMERADWYWYD: Adroddiad Chwarter 2 Dangosfwrdd Perfformiad y Cynllun Busnes

Eitem 8: Adroddiad Chwarter 2 Llesiant, Iechyd a Diogelwch

Cyflwynwyr: Charlotte Morgan, Rheolwr Llesiant, Iechyd a Diogelwch

33. Cyflwynwyd yr eitem gan Gyfarwyddwr Gweithredol Strategaeth Gorfforaethol a Datblygu. Roedd gwaith wedi'i wneud gyda staff yng nghyd-destun heriau ariannol ac adborth cadarnhaol wedi'i dderbyn arno. Roedd gwaith yn cael ei wneud hefyd ar y dyfarniad cyflog gan y cydnabuwyd bod hon yn eitem allweddol i'r staff yng nghyd-destun yr argyfwng costau byw. Rhoddwyd y wybodaeth ddiweddaraf i PaRC am hyn.

34. Rhoddodd y Rheolwr Llesiant, Iechyd a Diogelwch drosolwg o Adroddiad Chwarter 2 Llesiant, Iechyd a Diogelwch. Nid oedd unrhyw Adolygiadau Digwyddiadau Difrifol yn cael eu cynnal. Nodwyd bod rhywfaint o'r wybodaeth am yr Adolygiadau hyn wedi'i diwygio i roi mwy o wybodaeth am ymweliadau safle ac arolygiadau a gynhaliwyd yn enwedig mewn digwyddiadau a oedd wedi arwain at farwolaeth ac a oedd yn cynnwys unrhyw waith adfer. Roedd yr Adolygiadau yn ôl ar y trywydd iawn i'w cwblhau. Sefydlwyd grŵp gorchwyl a gorffen i edrych ar y gwaith papur a'r gweithdrefnau Rheoli Dylunio Adeiladu i edrych ar draws y busnes. Roedd y gwaith papur ar brawf gyda'r staff, gyda'r lansiad wedi'i drefnu ar gyfer dechrau Ionawr. Roedd yna un Anaf Amser a Gollwyd a chynnydd mewn Achosion Fu Bron â Digwydd ac yr adroddwyd amdanynt.
35. Archebwyd y Safon Iechyd Corfforaethol ar gyfer 9 Rhagfyr am estyniad blwyddyn i'r dyfarniad Arian. Roedd yr Awdurdod Gweithredol Iechyd a Diogelwch wedi archwilio nifer o safleoedd gwerthu coed sy'n sefyll, ac roedd disgwyl adborth ffurfiol ddechrau mis Rhagfyr, a fyddai'n cael ei gyflwyno gerbron y Bwrdd a'r Tîm Gweithredol. Rhoddwyd diweddariad ar Ddysgu a Datblygu gan adrodd ar wybodaeth cyrsiau, yn cynnwys adrodd ar achosion o ganslo.

CYMERADWYWYD: Cymeradwyodd y Bwrdd Adroddiad Chwarter 2 Llesiant, Iechyd a Diogelwch.

Eitem 9: Unrhyw Fater Arall

36. Adroddodd Geraint Davies am bryderon a fynegwyd gan Gadeirydd Ardal Draenio Mewnol Dysynni ynghylch y gwaith sy'n cael ei wneud gan CNC. Awgrymwyd y byddai sgwrs agored yn ddefnyddiol a nodwyd bod y tîm lleol yn ymwybodol o'r problemau ac y byddent yn trefnu i gyfarfod â'r Cadeirydd.

GWEITHREDU: Trefnu cyfarfod rhwng y tîm lleol a Chadeirydd Ardal Draenio Mewnol Dysynni.

37. Adroddodd Geraint Davies am wybodaeth a dderbyniodd am y defnydd diweddar o chwynladdwr yn swyddfa Dolgellau. Argymhellwyd y dylid ymchwilio i'r protocolau a ddefnyddir yn y swyddfa.

GWEITHREDU: Cyfarwyddwr Gweithredol Cyllid a Gwasanaethau Corfforaethol i adolygu'r protocolau ar gyfer defnyddio chwynladdwr yn swyddfa Dolgellau.

38. Nododd Dr Rosie Plummer fod gwrthdaro rhwng dau ddigwyddiad ddydd Mawrth 6 Mehefin 2023 sef cyfarfod y Pwyllgor Archwilio a Sicrwydd Risg a'r digwyddiad yn y Senedd.

- Caewyd y cyfarfod -